



Teitl: Title:	Polisi'r Gronfa Ariannol Wrth Gefn Financial Contingency Fund Policy
Fersiwn: Version	3
I bwy mae'r Polisi hwn yn berthnasol? Who does this Policy Relate to?	Myfyrwyr / Staff / Myfyrwyr a Staff / Arall (rhowch fanylion)

Cydraddoldeb ac Amrywiaeth / Equality & Diversity

Dolen at Gam 1 Asesu Effaith (ar Gydraddoldeb a'r Gymraeg): / Impact Assessment Stage 1 (Equality & Welsh) link:	Polisi Cronfa Ariannol Wrth Gefn EIA Cam 1 Financial Contingency Fund Policy EIA Stage 1
<i>Effaith ar yr Iaith Gymraeg</i> <i>Mae asesiad effaith wedi'i gynnal ar y polisi hwn i ystyried ei effaith ar yr iaith Gymraeg yn unol â Safonau'r Gymraeg (94-104) a Mesur yr Iaith Gymraeg (Cymru) 2011.</i>	<i>Welsh Language Impact</i> An impact assessment has been carried out on this policy to consider its effect on the Welsh Language in accordance with the Welsh Language Standards (94-104) and the Welsh Language (Wales) Measure 2011.

Adolygu a Chymeradwyo / Review and Approval

Perchennog y Ddogfen: Document Owner:	<i>Cyfarwyddwr Cyllid</i> <i>Director of Finance</i>		
Ymgynghoriad / Consultation:			
Dyddiad cymeradwyo / Date Approved	Cymeradwyaeth y Pwyllgor Mewnol e.e. Grŵp Diogelu / Internal Committee Approval e.g. Safeguarding Group	<i>Enw'r Grŵp a'r Dyddiad / Name of group & date</i>	
	Pwyllgor Cyfathrebu a Diwylliant / Communications & Culture Committee:	8/6/22	
	Pwyllgorau'r Bwrdd / Board Committees:	Pwyllgor Archwilio a Risg / Audit & Risk Committee:	-
		Pwyllgor Cwricwlwm a Safonau / Curriculum & Standards Committee	-
		Pwyllgor Cyllid, Pobl a Diwylliant / Finance, People & Culture Committee:	26/05/22
Corff Llywodraethu / Governing Body:	22/06/22		
Dyddiad Adolygu: Review Date:	Mehefin 2023 June 2023		

Anfonwch y ddogfen wedi ei chymeradwyo i'w chyfieithu gan ddefnyddio'r [Ffurflen Cais Cyfieithu](#)

Send approved document for Translation using the [Translation Request Form](#)

Rhifwch bob adran a pharagraff

Please number each section and paragraph

Tabl Cynnwys

Polisi Cronfa Ariannol Wrth Gefn

1. Cwmpas	3
2. Cyflwyniad	3
3. Gweinyddiaeth a Thaliadau	3
4. Blaenoriaethau	4
5. Myfyrwyr Cymwys	4
6. Mathau o Daliadau	5
7. Cyhoeddusrwydd y Cronfeydd	6
8. Gweithdrefn Apelio	6

1. Cwmpas

- 1.1. Diben y Polisi Cronfa Ariannol Wrth Gefn hwn yw cynyddu ymwybyddiaeth am y cymorth ariannol sydd ar gael i fyfyrwyr cymwys sy'n astudio ar bob safle Coleg Cambria trwy'r Gronfa Ariannol Wrth Gefn.

2. Cyflwyniad

- 2.1. Bydd y Coleg yn defnyddio grantiau'r Gronfa Ariannol Wrth Gefn i roi cymorth ariannol i fyfyrwyr y byddai eu mynediad i addysg bellach, neu i gwblhau'r addysg honno, yn cael ei rwystro efallai gan ystyriaethau ariannol neu y byddent yn wynebu anawsterau ariannol am ba reswm bynnag, gan gynnwys anabledau corfforol neu anabledau eraill.
- 2.2. Mae Coleg Cambria yn cydnabod pwysigrwydd darparu gwybodaeth, cyngor ac arweiniad i fyfyrwyr i'w helpu i wneud y dewis cywir ac i gyflawni eu potensial. Mae darparu cyngor ariannol i fyfyrwyr yn rhan allweddol o sicrhau defnydd effeithiol o'r grant Cronfa Ariannol Wrth Gefn ac mae'r tîm Gwasanaethau Myfyrwyr yn cynnig dull ar wahân, sy'n canolbwyntio ar fyfyrwyr ac wedi'i deilwra i weddu anghenion pob myfyriwr unigol.

3. Gweinyddiaeth a Thaliadau

- 3.1. Dilynir gweithdrefn y Coleg ar gyfer ystyried ceisiadau a gwneud taliadau i fyfyrwyr cymwys. Bydd cymorth ar gael yn gyffredinol ar gyfer:
 - Gofal Plant
 - Cludiant
 - Llety preswyl
 - Costau gwisg a chyfarpar
 - Teithiau Maes
 - Llyfrau a Deunyddiau
 - Taliadau brys
 - Gwiriadau DBS
- 3.2. Bydd y Coleg yn cymryd y camau angenrheidiol i sicrhau bod systemau rheoli a rheolaeth ariannol yn weithredol i sicrhau bod yr arian yn cael ei ddefnyddio ar gyfer dibenion rhoi'r grant o'r fath ac y cydymffurfir ag unrhyw delerau ac amodau sydd ynghlwm wrtho.
- 3.3. Bydd y blaenoriaethau ar gyfer rhoi cymorth drwy'r Gronfa Ariannol Wrth Gefn a dosbarthu'r arian yn cael eu cymeradwyo gan y Grŵp Monitro'r Gronfa Ariannol Wrth Gefn. Adolygir y blaenoriaethau hyn bob blwyddyn.
- 3.4. Aelodau'r Grŵp Monitro'r Gronfa Ariannol Wrth Gefn yw:
 - Cyfarwyddwr Cyllid (**Cadeirydd**)
 - Pennaeth Gwasanaethau Dysgwyr
 - Rheolwr Meithrinfa
 - Pennaeth yr Adran Cwricwlwm (*2)
 - Ymgynghorydd Gwasanaethau Myfyrwyr
- 3.5. Bydd y grŵp yn cyfarfod bob tymor i adolygu statws y gronfa a'i dosbarthu, ac i ystyried camau i'w gwella.

4. **Blaenoriaethau**

- 4.1. Wrth benderfynu pa fyfyrwyr unigol, o blith y rhai sy'n gymwys i gael cymorth, bydd y grwpiau blaenoriaeth yn cael eu dewis o'r canllawiau a gyhoeddwyd gan Lywodraeth Cymru (y Cynllun Cronfa Ariannol Wrth Gefn (Addysg Bellach) (Cymru)).
- Myfyrwyr sydd angen cymorth gyda chostau gofal plant, yn enwedig rhieni unigol.
 - Myfyrwyr a fydd yn cyrraedd 20 oed cyn iddynt gwblhau eu cyrsiau Safon Uwch neu gyrsiau addysg bellach eraill, ac sy'n wynebu anawsterau ariannol penodol oherwydd bydd eu teuluoedd yn peidio â derbyn budd-dal plant ac ychwanegiadau dibyniaeth yn eu budd-daliadau Nawdd Cymdeithasol neu gredydau treth ar gyfer y myfyrwyr hyn, ar ôl eu pen-blwydd yn 20 oed.
 - Myfyrwyr sydd wedi bod mewn gofal, ar brawf, neu sydd fel arall yn cael eu hystyried eu bod mewn risg.
 - Myfyrwyr ar incwm isel neu o deuluoedd incwm isel, gan gynnwys dysgwyr ifanc nad ydynt yn gymwys i gael cymhorthdal incwm, pobl ddi-waith sy'n cael Credyd Cynhwysol a'r rhai sy'n derbyn budd-daliadau'r wladwriaeth ar sail prawf modd, fel Credyd Treth Gwaith a'u dibynyddion digyflog.
 - Myfyrwyr o Ardal Gynnyrch Ehangach gyda lefel o amddifadedd addysgol sy'n uwch na throthwy penodol.
 - Myfyrwyr sy'n wynebu anawsterau ariannol penodol oherwydd bydd eu teuluoedd yn peidio â chael elfen plant y Credyd Cynhwysol o 1 Medi, yn dilyn eu pen-blwydd yn 19 oed.
- 4.2. Ond, os yw myfyriwr yn gymwys i gael ei gynnwys mewn un neu ragor o'r grwpiau blaenoriaeth, yna nid yw hynny ynddo'i hun yn sail ar gyfer rhoi arian o'r dyraniad cyllid at ddibenion y Cynllun hwn.

5. **Myfyrwyr Cymwys**

- 5.1. Dim ond i'r myfyrwyr cymwys hynny fel y'u diffiniwyd yn y polisi hwn ac yn unol â Chanllawiau Llywodraeth Cymru, y gellir talu iddynt o Gronfeydd Ariannol Wrth Gefn.
- 5.2. Mae Coleg Cambria yn cadw'r hawl i briodoli amodau cymhwyso ychwanegol i bob categori'r Gronfa Ariannol Wrth Gefn, yn unol â chanllawiau cenedlaethol a blaenoriaethau strategol y Coleg.
- 5.3. Bydd ceisiadau ar gyfer cyllid yn cael eu gwerthuso fesul achos yn unol â'r canllawiau. Ym mhob achos bydd y cais yn cael ei asesu ar sail tystiolaeth gan y myfyriwr a'u hamgylchiadau unigol. Byddwn yn ystyried amgylchiadau ariannol myfyrwyr a'r cymorth sydd ar gael gan ffynonellau eraill fel Lwfans Cynhaliath Addysg, Grant Dysgu Llywodraeth Cymru a grantiau a budd-daliadau eraill. Bydd y trothwyon isod yn cael eu defnyddio fel canllaw:

<i>Meini Prawf</i>	<i>Oedran</i>	<i>Incwm y Cartref</i>
Myfyrwyr llawn amser 500+ o oriau cyswllt	16-18 oed 19 oed+ nad ydynt yn derbyn Grant Dysgu LIC 19 oed+ ac yn derbyn Grant Dysgu LIC	Trothwy LCA Trothwy LCA Trothwy LCA yn ogystal ag ystyried grant

5.4. Disgwylir i fyfyrwyr gyflwyno tystiolaeth o'r holl incwm sy'n cyfrannu at incwm y cartref. Mae hyn yn cynnwys rhieni, gwarcheidwaid cyfreithiol, priod neu bartner. Disgwylir i fyfyrwyr gyflwyno tystiolaeth o incwm y cartref drwy gyflwyno'r dogfennau perthnasol fel tystiolaeth. Dylai gynnwys:

- eich llythyr Dyfarnu Credyd Cynhwysol diweddaraf; neu
- eich Credyd Treth Gwaith diweddaraf; neu
- eich llythyr Cymorth Incwm diweddaraf; neu
- eich slipiau tâl ar gyfer y 3 mis diwethaf; neu
- os gwneir hunanasesiad - llythyr gan eich cyfrifydd yn nodi incwm y tri mis diwethaf

6. Mathau o Daliadau

6.1. Gwisg a Chyfarpar

6.1.1. Bydd myfyrwyr yn gallu gwneud cais am gymorth o'r Gronfa Ariannol Wrth Gefn ar gyfer gwisg, llyfrau a chostau cyfarpar sy'n gysylltiedig â'u cwrs, unrhyw adeg yn ystod y flwyddyn academaidd. Yn yr un modd, gellir rhoi cyllid dewisol ar gyfer argyfyngau unrhyw adeg yn ystod y flwyddyn academaidd, fel y bo'n briodol.

6.2. Gofal Plant

6.2.1. Bydd myfyrwyr yn cael cymorth gofal plant fesul tymor gyda dyraniad y tymor canlynol yn cael ei bennu gan lefelau presenoldeb boddhaol (o leiaf 90%). Yn ddiethriad, mae'n rhaid i fyfyrwyr wneud cais i'r Gronfa Gofal Plant bob blwyddyn astudio.

6.2.2. Bydd rhaid i bob ymgeisydd ddangos cynnydd priodol gyda'u lefel astudio. Ni fydd cymorth fel arfer yn cael ei roi os nad yw myfyriwr wedi cwblhau cymhwyster blaenorol yn llwyddiannus yn y coleg neu eu bod yn ail-wneud y flwyddyn i wella eu gradd gyffredinol.

6.2.3. Bydd diffyg presenoldeb myfyriwr yn y dosbarth am gyfnod sy'n hirach na 4 wythnos yn arwain at dynnu'r lle gofal plant yn ôl. Caiff presenoldeb ei fonitro bob tymor. Bydd cymorth ariannol yn cael ei dynnu'n ôl os nad yw'r

presenoldeb yn foddhaol. Bydd ceisiadau gan fyfyrwyr sy'n dychwelyd i'r coleg yn cynnwys adolygu patrwm presenoldeb y flwyddyn flaenorol yn ogystal â'r asesiad cyllid arferol.

6.3. Llety

6.3.1. Bydd myfyrwyr cymwys yn gallu cael cymorth tuag at eu llety yn Llysfasi.

6.4. Meini Prawf Ychwanegol ar gyfer Talebau Bwyd Argyfwng

6.4.1. Bydd myfyrwyr yn gallu gwneud cais am gymorth os ydynt yn cael eu hunain yn ddigartref yn sydyn ac yn anwifoddol, e.e. eu bod wedi ymddieithrio oddi wrth eu rhieni/gwarcheidwaid, a'u bod yn bodloni meini prawf cymhwysedd safonol y gronfa.

6.5. Taliadau Argyfwng

6.5.1. Gellir gwneud taliadau brys i'r myfyrwyr hynny sydd wedi cael prawf modd ac sy'n cael arian o'r Gronfa Ariannol Wrth Gefn, neu i unrhyw fyfyrwr arall sy'n gallu cyflwyno achos arbennig o angen ariannol. Er enghraifft, talu treuliau teithio gormodol os nad oes cludiant y coleg ar gael neu 'anawsterau teithio' eraill, llety brys, taliadau 'unigol' - fel ffioedd cyrsiau/arholiadau.

6.5.2. Gweithredir y Gronfa Ariannol Wrth Gefn yn ôl doethineb y Pennaeth Gwasanaethau Myfyrwyr, ar ôl cytuno ar hynny gydag un o'r uwch reolwyr sy'n aelod o'r Grŵp Monitro'r Gronfa Ariannol Wrth Gefn.

6.6. Trefniadau Swmp-brynu – Cludiant

6.6.1. Bydd y Coleg yn defnyddio'r broses cymeradwyo taliadau LCA a'r rhestrau tymhorol sydd ar gael o wefan y Llywodraeth i nodi'r holl ddysgwyr 16-18 oed sy'n gymwys ar gyfer cludiant Coleg. Bydd yr adroddiad hwn yn cefnogi'r cais am ddyrannu arian tuag at drefniadau swmpbrynu. Bydd y broses hon yn dileu'r angen i'r dysgwyr hynny a nodir i lenwi ffurflen gais y Gronfa Ariannol Wrth Gefn.

6.6.2. Mae'r cyfraniad fesul dysgwr yn cael ei gapio ar gost tymhorol tocyn myfyriwr 'ARRIVA'.

7. Cyhoeddusrwydd y Cronfeydd

7.1. Bydd y Gwasanaethau Myfyrwyr yn rhoi cyhoeddusrwydd i'r Cronfeydd Ariannol Wrth Gefn. Bydd taflenni yn cael eu dangos mewn manau strategol. Bydd y manylion yn cael eu cynnwys mewn cyhoeddiadau'r myfyrwyr a bydd gwybodaeth ar gael ar wefan y coleg a mewnwyd y myfyrwyr.

8. Gweithdrefn Apelio

- 8.1. Diben y weithdrefn hon yw sicrhau bod unrhyw apêl a wneir gan fyfyrwr yn cael ei thrin yn deg, yn wrthrychol a heb wahaniaethu. Gall myfyrwyr sy'n dymuno apelio yn erbyn penderfyniad i beidio â rhoi cymorth ariannol iddynt, wneud hynny'n ysgrifenedig a'i anfon at sylw'r Cyfarwyddwr Cyllid. Bydd y Cyfarwyddwr Cyllid yn goruchwylio panel apeliadau'r Gronfa Ariannol Wrth Gefn, a fydd yn cynnwys aelodau'r panel nad oeddent yn gysylltiedig â'r penderfyniad gwreiddiol.
- 8.2. Bydd penderfyniad y Panel Apêl yn derfynol.

